



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2023-yil 24-noyabr, № 250 (8593)

Juma

Saytimizga o'tish uchun QR-kodni
telefoningiz orqali skaner qiling.



O'ZBEKISTON PREZIDENTINING OZARBAYJONGA TASHRIFI BOSHLANDI

**O'zbekiston Respublikasi Prezidenti
Shavkat Mirziyoyev Ozarbayjon
Respublikasi Prezidenti Ilhom Aliyevning
taklifiga binoan 23-noyabr kuni amaliy
tashrif bilan Boku shahriga keldi.**

Haydar Aliyev nomidagi aeroportda oliy martabali mehmonni Ozarbayjon Bosh vazirining birinchi o'rinbosari Yaqub Ayubov va boshqa rasmiy shaxslar kutib oldi.

24-noyabr kuni davlatimiz rahbari BMtning Markaziy Osiyo iqtisodiyotlari uchun maxsus dasturi (SPEKA) birinchi sammiti tadbirlarida ishtirok etadi.

Tadbir kun tartibidan dastur doirasidagi ko'p tomonlama hamkorlikni yanada kengaytirish, mintaqaviy loyihalarni qo'llab-quvvatlash uchun Maqsadli fond tashkil etish, transport yo'laklarini raqamlashtirish uchun "Yo'l xaritasi"ni qabul qilish, ishbilarmonlik tashabbuslarini ilgari surish va boshqa masalalar o'rin olgan.

O'zA.

Senat Kengashida

NAVBATDAGI YALPI MAJLIS QACHON CHAQIRILISHI BELGILANDI

*Kecha Oliy Majlis Senati Kengashining
navbatdagi majlisi bo'lib o'tdi. Majlisni Senat Raisi
Tanzila Norboyeva olib bordi.
Unda Senatning qirq yettinchi yalpi majlisini
2023-yil 24-noyabr kuni chaqirish to'g'risida
qaror qabul qilindi.*



Qayd etilganidek, videokonferensaloqa tizimidan foydalangan holda o'tkaziladigan yalpi majlisda qator masalalarni muhokama qilish nazarda tutilgan.

"O'zbekiston Respublikasining ayrim qonun hujjatlariga saylov va referendum o'tkazish tartibini yanada takomillashtirishga qaratilgan o'zgartirish va qo'shimchalar kiritish to'g'risida"gi Konstitutsiyaviy qonun, "Tuproqni muhofaza qilish va uning unumdorligini oshirish to'g'risida", "Davlat mulkini xususiyashtirish to'g'risida", "O'zbekiston Respublikasining Jinoyat, Jinoyat-protsessual kodekslariga hamda O'zbekiston Respublikasining Ma'muriy javobgarlik to'g'risidagi kodeksiga o'zgartirish va qo'shimchalar kiritish haqida" hamda "O'zbekiston Respublikasining Konstitutsiyaviy sudi to'g'risida"gi O'zbekiston Respublikasi Konstitutsiyaviy Qonuniga o'zgartirish va qo'shimchalar kiritish haqida"gi qonunlar shular jumlasidandir.

Bundan tashqari, yalpi majlisda "O'zbekiston Respublikasi adliya organlari tizimi takomillashtirilishi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida", "O'zbekiston Respublikasining ayrim qonun hujjatlariga respublika ijro etuvchi hokimiyat organlarining nomlarini muvofiqlashtirishga qaratilgan o'zgartirishlar kiritish to'g'risida", "O'zbekiston Respublikasining ayrim qonun hujjatlariga o'zgartirishlar va qo'shimcha kiritish to'g'risida"gi qonunlarni ham ko'rib chiqish rejalashtirilgan.

Majlisda O'zbekiston Respublikasi bilan Italiya Respublikasi o'rtasida qator masalalarni o'zida aks etgan shartnomalarni ratifikatsiya qilish haqidagi hamda "O'zbekiston Respublikasi bilan Qozog'iston Respublikasi o'rtasida ittifoqchilik munosabatlari to'g'risidagi Shartnomanini (Toshkent, 2022-yil 22-dekabr) ratifikatsiya qilish haqida"gi qonunlar, O'zbekiston Respublikasi Oliy sudi tarkibiga o'zgartirish kiritish va Senat Kengashi qarorlarini tasdiqlash masalalari ham yalpi majlis kun tartibidan o'rin olgani aytib o'tildi.

"Xalq so'zi".

O'zbekiston Respublikasi Oliy Majlisi Senatining qirq yettinchi yalpi majlisi ochilishi to'g'risida

O'zbekiston Respublikasi Oliy Majlisi Senatining qirq yettinchi yalpi majlisi 2023-yil 24-noyabr kuni Toshkent shahrida Oliy Majlis Senatining majlislar zalida o'z ishini boshlaydi.

Yalpi majlisni videokonferensaloqa tarzida o'tkazish rejalashtirilgan.

Yalpi majlis Senatning "YouTube" tarmog'idagi sahifasi orqali to'g'ridan-to'g'ri yoritib boriladi.

UNESCO BOSH KONFERENSIYASINING 43-SESSIYASI SAMARQANDDA O'TKAZILADI

Kuni kecha mamlakatimiz va xalqimiz uchun yana bir unutilmas voqea, quvonchli yangilikka guvoh bo'ldik. Gap shundaki, Fransiya poytaxti Parijda o'tkazilgan UNESCO Bosh konferensiyasining 42-sessiyasida O'zbekiston tomonidan berilgan taklif, ya'ni ushbu nufuzli tuzilmaning navbatdagi 43-sessiyasini 2025-yilda Samarqand shahrida o'tkazish to'g'risidagi taklif ma'qullandi va shu yuzasidan maxsus, agar ta'bir joiz bo'lsa, tarixiy qaror qabul qilindi.

Xushxabar

Bu xushxabar barchamizni birdek quvontirdi. Bu, o'z navbatida, yangi O'zbekistonda Prezidentimiz boshchiligidagi olib borilayotgan ochiqlik siyosati, islohotlar va yangilanishlarning o'ziga xos e'tirofi bo'ldi, desak, mubolag'a emas.

E'tiborli jihat, UNESCO Bosh konferensiyasining sessiyasi 1985-yildan beri, ya'ni qirq yil deganda ilk marotaba Parijdan tashqarida o'tkaziladi.

Bunga sabab tashkilotga a'zo davlatlardan hech biri bu vaqt oralig'ida mazkur tadbirni o'z hududida o'tkazish taklifini bildirmagan. Bu borada O'zbekiston Prezidentining tashabbusi, shunday nufuzli tashkilotning o'ta mas'uliyatli tadbirini yurtimizda o'tkazish taklifi tahsinga sazovor, albatta.

Davlatimiz rahbari ushbu tarixiy voqeaqa munosabat bildirar ekan, mintaqamizda birinchi marotaba o'tkaziladigan bu global miqyosdagi tadbir xalqaro hamjamiyatga O'zbekiston va Markaziy Osiyo davlatlarining ulkan salohiyatini yana bir bor namoyish etishga xizmat qilishiga ishonishini, o'z navbatida, O'zbekiston bo'lajak sessiyani yuksak saviyada tashkillashtirish va o'tkazish uchun barcha kuch va imkoniyatlarini safarbar etishini ma'lum qildi.

Darhaqiqat, O'zbekiston so'nggi 6-7 yilda xalqaro tadbirlarni o'tkazish borasida katta tajriba orttirdi. Shu ma'noda, navbatdagi muhim tadbirni ham yuqori saviyada o'tkazish uchun imkoniyat va salohiyatimiz yetarli, desak, ayni haqiqat.



O'ZBEKISTON VA BUTUN MARKAZIY OSIYO MINTAQASI NUFUZINI JAHON MIQYOSIDA TARG'IB ETISHGA XIZMAT QILUVCHI MUHIM TADBIR

Samarqandning 2025-yilda UNESCO Bosh konferensiyasining 43-sessiyasini o'tkaziladigan joy sifatida tanlanishi mamlakatimizning madaniyat, fan va ta'lim sohasidagi yutuqlari hamda boy tarixiy va madaniy merosining yaqqol e'tirofi bo'ldi.

Shuni ta'kidlash kerakki, UNESCO so'nggi 40 yil ichida birinchi marta o'z sessiyasini boshqa davlat hududida tashkil etadi.

O'zbekiston Prezidenti Shavkat Mirziyoyev barcha xorijiy do'stlarimiz

va sheriklarimizga UNESCO Bosh konferensiyasining 43-sessiyasini 2025-yilda qadim Samarqandda o'tkazish to'g'risidagi tarixiy qarorni qo'llab-quvvatlagani uchun minnatdorlik bildirdi.

"Ko'p millatli O'zbekiston xalqi nomidan va shaxsan o'z nomimdan barcha xorijiy do'stlarimiz va sheriklarimizga UNESCO Bosh konferensiyasining 43-sessiyasini 2025-yilda qadim Samarqandda o'tkazish to'g'risidagi tarixiy qarorni qo'llab-quvvatlagani uchun samimiy minnatdorlik bildiraman, — deb yozdi

davlatimiz rahbari "Telegram" kanalida. — Mintaqamizda birinchi marta o'tadigan ushbu muhim global miqyosdagi tadbir xalqaro hamjamiyatga O'zbekiston va Markaziy Osiyo davlatlarining ulkan sivilizatsion salohiyatini yana bir bor namoyish etishga xizmat qiladi, deb ishonaman.

O'z navbatida, O'zbekiston bo'lajak sessiyani eng yuqori saviyada tashkil etish va o'tkazish uchun barcha kuchini safarbar etadi".



Muloqot

MEHNAT MUNOSABATLARI TIZIMINI TAKOMILLASHTIRISH ISTIQBOLLARI MUHOKAMA QILINDI

*Oliy Majlis Senati Raisi Tanzila Norboyevaning Xalqaro mehnat tashkilotining (XMT)
Yevropa va Markaziy Osiyo bo'yicha byurosi mintaqaviy direktori Beate Andreyes bilan
uchrashuvi bo'lib o'tdi.*

Muloqotda mehnat munosabatlari tizimini takomillashtirish bo'yicha yangi qo'shma loyihalarni amalga oshirish, iqtisodiyotning turli tarmoqlarida mehnat sharoitlarini yaxshilash bo'yicha hamkorlikni yanada rivojlantirish, sohaga xalqaro standartlarni joriy etish masalalari atroflicha ko'rib chiqildi.

Ta'kidlanganidek, XMTning bevosita ko'magida iqtisodiyot turli tarmoqlarida monitoring tadbirlari yuqori darajada tashkil etilmoqda. O'tgan yili mehnat sharoitlari, jumladan, qurilish sohasida majburiy mehnatdan foydalanish holatlari tahlili o'tkazildi.

2021 — 2025-yillarga mo'ljallangan munosib mehnatni ta'minlash bo'yicha mamlakat dasturini amalga oshirish "Yo'l xaritasi"da belgilangan chora-tadbirlar hozirdanoq natijalar berayotgani alohida aytib o'tildi.

Shuningdek, Xalqaro mehnat tashkilotining Ijtimoiy adolat koalitsiyasini tuzish, O'zbekiston Yevropa va Markaziy

Osiyo mintaqasidan birinchilardan bo'lib koalitsiya a'zolari qatoriga kirgani va oldinda turgan vazifalar yuzasidan atroflicha fikr almashildi.

Munosib mehnat va ijtimoiy himoya tamoyillarini joriy etish, norasmiy bandlikka qarshi kurashish, aholining ijtimoiy himoyaga muhtoj qatlamini asosiy daromad bilan ta'minlash, mehnat va aholini ijtimoiy muhofaza qilish sohasida xalqaro standartlarni joriy etish masalalari ham tahlil qilindi.

XMT bilan izchil hamkorlikni mehnat munosabatlari sohasida yangi qo'shma loyiha va dasturlarni ro'yobga chiqarish orqali yanada mustahkamlash zarurligi qayd etildi.

Uchrashuv so'ngida XMT konvensiyalarini ratifikatsiya qilish va ular ijrosini ta'minlash yo'nalishida hamkorlikni yanada kengaytirishga kelishib olindi.

"Xalq so'zi".

Uchrashuv

XITOV ELCHISI YURTIMIZDAGI ISLOHOTLARNI YUQORI BAHOLADI

*Kecha Oliy Majlis Qonunchilik palatasi Spikeri Nuriddin Ismoilov Xitoy Xalq
Respublikasining O'zbekiston Respublikasidagi Favqulodda va muxtor elchisi Yuy Szyun
bilan uchrashdi.*

Ta'kidlanganidek, ikki davlat rahbarlarining siyosiy irodasi tufayli O'zbekiston va Xitoy o'rtasidagi strategik sheriklik yuqori bosqichga ko'tarilmoqda.

Uchrashuvda Xitoy elchisiga yurtimizda Prezidentimiz Shavkat Mirziyoyev tashabbusi bilan barcha sohada amalga oshirilayotgan islohotlar, yangi tahrirdagi Konstitutsiya mazmun-mohiyati, "O'zbekiston — 2030" strategiyasida belgilangan ustuvor vazifalar hamda Oliy Majlis Qonunchilik palatasi faoliyatining asosiy yo'nalishlari haqida atroflicha ma'lumotlar berildi.

Konstruktiv ruhda o'tgan muloqotda ikki tomonlama hamkorlikni, xususan, parlamentlararo va xalqaro parlament tashkilotlari doirasidagi aloqalarni yanada mustahkamlash, parlamentlararo do'stlik guruhlarining amaliy muloqotini yanada kuchaytirish masalalari muhokama qilindi. Shuningdek, madaniy-gumanitar, ekologiya va boshqa sohalardagi aloqalar ko'lamini tobora kengaytirib borish lozimligi qayd etildi.

O'z navbatida, Yuy Szyun berilgan batafsil va tahliliy ma'lumotlar uchun minnatdorlik bildirib, Prezident Shavkat Mirziyoyev rahbarligida O'zbekistonda amalga oshirilayotgan keng qamrovli islohotlar Xitoy Xalq Respublikasi tomonidan yuqori baholanishi va kelgusida o'zaro do'stona ruhdagi munosabatlar bardavom bo'lishiga o'z hissasini qo'shishga tayyorligini ma'lum qildi.

Shu bilan birga, Yuy Szyun ikki mamlakat o'rtasidagi strategik munosabatlar izchil rivojlanayotgani, O'zbekiston o'z taraqqiyotida yangi bosqichga chiqayotgani, shuningdek, mamlakatimizda amalga oshirilayotgani keng ko'lami bunyodkorlik ishlari hamda farovon jamiyat qurish bo'yicha olib borilayotgan sa'y-harakatlarni alohida e'tirof etdi.

Tomonlar o'zlarini qiziqtirgan boshqa masalalarni ham muhokama qildi.

"Xalq so'zi".

YANGI TAHRIRDAGI KONSTITUTSIYA

— INSON SHA'NI, QADR-QIMMATI VA HUQUQLARINING MUSTAHKAM KAFOLATI

*"Yangi tahrirdagi O'zbekiston Respublikasi
Konstitutsiyasi davlatchilik, ijtimoiy-siyosiy, ijtimoiy-iqtisodiy
va sud-huquq soharalarini bundan keyin ham barqaror
rivojlantirish uchun mustahkam zamin yaratdi". Ushbu
haqqoniy e'tirof O'zbekiston Respublikasi Prezidenti
Shavkat Mirziyoyev 2023-yil 16-noyabrda imzolagan
"O'zbekiston Respublikasi Konstitutsiyasi kuni bayramiga*

Nuqtai nazar

Xalq — davlat hokimiyatining birdan-bir manbai

O'zbekiston Respublikasi Konstitutsiyasining avvalgi tahriri 1992-yil 8-dekabrda O'zbekiston xalqining vakolatli vakillari bo'lmish parlament a'zolari, ya'ni O'zbekiston Respublikasi Oliy Kengashi deputatlari tomonidan

qabul qilinganini bilamiz. Bundan farqli o'laroq mamlakatimiz Asosiy Qonunining yangi tahriri bevosita umumxalq referendumida — to'g'ridan-to'g'ri ovoz berish yo'li bilan qabul qilindi. Shu ma'noda, yangi tahrirdagi O'zbekiston Konstitutsiyasining haqiqiy muallifi xalqning o'zidir. Fuqarolarning xohish-irodasi esa islohotlarning manbai va harakatlantiruvchi kuchi hisoblanadi. Yangi tahrirdagi Konstitutsiyaning

7-moddasi birinchi bandida "Xalq davlat hokimiyatining birdan-bir manbaidir" degan norma belgilab qo'yilgan. Bu norma timsolida O'zbekiston Respublikasida jahon miqyosida umume'tirof etilgan xalq hokimiyatchiligi prinsipi, ya'ni xalq suverenitetning tashuvchisi va davlat hokimiyatining yagona manbai ekanini anglatuvchi tamoyil mustahkamlab qo'yilgan.



Muhokama

BOLALAR HUQUQLARINI TAʼMINLASHGA DOIR TAVSIYALAR KOʻRIB CHIQLDI

Kecha Jahon bolalar kunini nishonlashga yoʻnaltirilgan bir haftalik tadbirlar doirasida Oliy Majlis Senati Raisi Tanzila Norboyeva UNICEFning Oʻzbekistondagi vakolatxonasi rahbari vazifasini bajaruvchi Joffri Ijumba, Oʻzbekistonning turli viloyatlaridan tashrif buyurgan bolalar va nodavlat notijorat tashkilotlari vakillari, jumladan, nogironligi boʻlgan shaxslar bilan uchrashdi.

Unda Senat Raisi mamlakatimizda bola huquqlarini taʼminlash borasida amalga oshirilayotgan ishlar, erishilgan natijalarga birmabar toʻxtaldi. Avvalo, yurtimizda bolalarni majburiy mehnatga jalb qilishga mutlaqo chek qoʻyilgani, ularni uzluksiz taʼlim bilan qamrab olish, tazyiq va zoʻravonlikdan himoyalash borasidagi saʼy-harakatlar izchillik bilan davom ettirilayotgani alohida taʼkidlandi.

Soʻngra BMTning Bola huquqlari boʻyicha qoʻmitasining Oʻzbekiston uchun tavsiyalarini fuqarolik jamiyati va bolalar orasida tarqatishning oʻziga xos ahamiyati yuzasidan batafsil maʼlumot berildi. Ayni chogʻda bolalar bilan ishlashda har bir maʼlumot tushunarli shaklda boʻlishi va bunda ularning yosh xususiyati hisobga olinishi kerakligi aytildi.

Oʻz navbatida, yaqinda oʻtkazilgan soʻrov natijalari taqdim etildi. Unda 1800 dan ortiq respondentlar bola huquqlarini amalga oshirish boʻyicha oʻz fikrlarini bildirdi.

Soʻrov natijalariga koʻra respondentlarning toʻrtidan bir qismidan ozrogʻi, yaʼni 22 foizi bola huquqlari buzilgan taqdirda ularni qanday himoyalashni biladi. Baʼzi bolalar oʻz huquqlari haqida gapirishdan uyaldai yoki huquqini himoyalashga harakat qilsa, jazolanishdan qoʻrqadi. Bolalarning 60 foizidan ortigʻi, agar ular huquqlari u yoki bu sababga koʻra buziladigan boʻlsa, oʻz huquqlarini himoya qila olmasligini aytgan.

“Xalq soʻzi”.

Senat qoʻmitalarida

HAR BIR MASALANING CHUQUR TAHLILI

Oliy Majlis Senatining qator qoʻmitalari yigʻilishlarida navbatdagi yalpi majlisdan oʻrin olgan masalalar chuqur tahlildan oʻtkazildi. Negaki, mazkur masalalarning har biri yurtimizda olib borilayotgan islohotlarga yangicha surʼat berishga yoʻnaltirilgani bilan alohida eʼtiborga molik.

Keyingi yilda ham budget xarajatida ijtimoiy yoʻnalish yetakchilik qiladi

Budget va iqtisodiy islohotlar masalalari qoʻmitasi majlisida “2024-yil uchun Oʻzbekiston Respublikasining Davlat budjeti toʻgʻrisida”gi qonuni senatorlar, ekspertlar hamda tegishli vazirlik va idoralar vakillari ishtirokida muhokama qilindi.

Qonunga muvofiq, 2024-yilda Oʻzbekiston Respublikasi yalpi ichki mahsuloti oʻsish surʼati 5,6-5,8 foiz, unda sanoat mahsulotlarini ishlab chiqarish hajmi — 6, qurilish ishlari — 6,3, qishloq xoʻjaligi — 4 va bozor xizmatlari 14,9 foizga oʻsishi prognoz qilinmoqda.

Qonunda konsolidatsiyalashgan budget taqchilligini 2024-yilda yalpi ichki mahsulotga nisbatan

— 4, 2025-2026-yillarda esa 3 foizdan oshirmaslik, oʻrta muddatda asosiy soliq stavkalarini oʻzgartirmasdan saqlab qolish, soliq va budget siyosatini bosqichma-bosqich Jahon savdo tashkiloti talablariga uygʻunlashtirish, budget ochiqchiligi taʼminlash hamda budjetni shakllantirishda fuqarolar ishtirokini yanada oshirish, “Yashil budgetlashtirish” tamoyillarini bosqichma-bosqich joriy etish koʻzda tutilgan.

Kelgusi yilda konsolidatsiyalashgan budget daromadlari 375 trln. soʻm, xarajatlari 427,6 trln. soʻm miqdorida rejalashtirilgani holda konsolidatsiyalashgan budget 52,6 trln. soʻm yoki yalpi ichki mahsulotga nisbatan 4 foiz miqdoridagi taqchillik bilan

shakllantirildi.

Davlat budjeti daromadlari 270,4 trln. soʻm, xarajatlari esa davlat maqsadli jamgʻarmalariga transfertlarni inobatga olgan holda 312,9 trln. soʻmni tashkil etmoqda.

Davlat maqsadli jamgʻarmalari daromad va xarajatlari tegishincha 55,2 trln. soʻm va 85,8 trln. soʻm miqdorida rejalashtirilmoqda.

Keyingi yilda ham budget xarajatida ijtimoiy yoʻnalish yetakchilik qiladi. Yaʼni taʼlim, sogʻliqni saqlash, ijtimoiy himoya, fan, madaniyat va sportni rivojlantirish, muhtoj aholini uy-joy bilan taʼminlash hamda boshqa ijtimoiy tadbirlar uchun jami Davlat budjeti xarajatlarning 50 foizi yoki 151,6 trln. soʻm yoʻnaltiriladi.

Oilaviy korxonalar besh nafargacha ishchi olishi mumkin boʻladi

Axborot siyosati va davlat organlarida ochiqchilikni taʼminlash masalalari qoʻmitasi majlisida dastlab “Oʻzbekiston Respublikasining ayrim qonun hujjatlariga oʻzgartirishlar va qoʻshimcha kiritish toʻgʻrisida”gi qonun koʻrib chiqildi.

Maʼlumki, amaldagi qonunchilikda oilaviy tadbirkorlik subyekti yuridik shaxs tashkil etmagan holda uch nafargacha doimiy ishchi bilan mehnat shartnomasi tuzishga haqli ekani belgilangan. Ammo bugungi kunga kelib oilaviy korxonalar ish hajmi va faoliyat koʻlamining oshib borishi tufayli ishchilar soni uch nafar etib belgilangani ular faoliyatining samaradorligiga toʻsiq boʻlmoqda. Endilikda yangi qonun bilan oilaviy korxonalarda ishchilar soni uch nafardan besh nafargacha oshirilmoqda.

Tuproq unumdorligini oshirish va muhofazalashning qonuniy asosi mustahkamlanadi

Mudofaa va xavfsizlik masalalari qoʻmitasi majlisida “Tuproqni muhofaza qilish va uning unumdorligini oshirish toʻgʻrisida”gi qonun har tarafлама tahlil qilindi.

Taʼkidlanganidek, mazkur qonuni ishlab chiqishdan koʻzlangan maqsad tuproq muhofazasi va uning unumdorligini oshirish borasidagi munosabatlarni tartibga solishdan iborat.

Unda tuproqni muhofaza etish va uning unumdorligini oshirishga doir asosiy printiplar, shaharsozlik faoliyatini yoki qishloq xoʻjaligiga oid boʻlmagan boshqa faoliyat

ni amalga oshirish chogʻida tuproqni muhofaza qilish va undan oqilona foydalanish talablari, mutasaddi vazirlik va idoralarning bu boradagi huquq va majburiyatlari, tuproqning holatini va sifatini baholash normalari, uning oʻrganishi va unga oid maʼlumotlar fondi, tuproq monitoringi, muhofazasi hamda unumdorligini oshirish boʻyicha ilmiy tadqiqotlar singari masalalar mustahkamlab qoʻyilmoqda.

Mazkur qonun qabul qilinishi natijasida tuproq unumdorligini oshirish va muhofazalashning qonuniy asosi yanada mustahkamlanadi.

“Xalq soʻzi”

“Hukumat soati”

ENERGETIK BARQARORLIK HOLATI QANDAY?

Oliy Majlis Qonunchilik palatasida navbatdagi “Hukumat soati” boʻlib oʻtdi. Unda deputatlar “Mamlakatimizda energetik barqarorlikni taʼminlash va energetika sohasini qish mavsumiga tayyorlash borasida olib borilayotgan ishlarining holati toʻgʻrisida”gi masalani muhokama qildilar.

Mazkur masala yuzasidan deputatlarning savollariga energetika vaziri J. Mirzamahmudov javob berdi.

Taʼkidlanganidek, keyingi yillarda mamlakatimizda iqtisodiyotni rivojlantirishning drayveri boʻlgan energetika sohasiga strategik yoʻnalish sifatida alohida eʼtibor qaratilmoqda. Iqtisodiyot tarmoqlari va ijtimoiy sohada elektr energiyasi samaradorligini oshirish, qayta tiklanuvchi energiya manbalaridan foydalanishni rivojlantirish boʻyicha izchil islohotlar amalga oshirilyapti.

Xususan, iqtisodiyotni elektr energiyasi bilan uzluksiz taʼminlash hamda “yashil” iqtisodiyot texnologiyalarini barcha sohaga joriy etish maqsadida 2022-yilda umumiy qiymati 700 mln. AQSH dollaridan ortiq boʻlgan xorijiy investitsiyalarni jalb qilish hisobiga Toshkent, Buxoro, Samarqand, Sirdaryo va Xorazm viloyatlarida umumiy quvvati 1 374 megavatt boʻlgan 6 ta issiqlik va 100 megavatt quvvatli 1 ta quyosh fotoelektr stansiyasi ishga tushirildi.

“Hukumat soati”da deputatlar aholi, ijtimoiy soha obyektlari va iqtisodiyot tarmoqlarini energiya resurslari bilan barqaror taʼminlash, energiyani tejaydigan ilgʻor texnologiyalarni joriy etish boʻyicha koʻrilayotgan chora-tadbirlar bilan qiziqdilar. Ushbu savolga energetika vaziri tomonidan atroflicha maʼlumot berildi. Bugungi kunda ijtimoiy soha obyektlari va iqtisodiyot tarmoqlarini energiya resurslari bilan barqaror taʼminlash boʻyicha qator

amaliy ishlar olib borilmoqda. Xususan, elektr taʼminotini yaxshilash maqsadida hududlarda 831 km. magistral, 29 562 km. taqsimlovchi elektr uzatish tarmoqlari, 8 ta magistral podstantsiyadagi transformatorlar hamda 10 158 ta transformator punktni mukammal taʼminlash ishlari toʻliq yakunlandi, 961 km. past kuchlanishli elektr tarmoqlari va 228 ta transformator punkti yangilandi. Shuningdek, Fargʻona, Surxondaryo viloyatlari va Toshkent shahridagi podstantsiyalarning quvvati 400 MVtga oshirildi.

Belgilangan vazifalarni oʻz vaqtida bajarish maqsadida hududiy elektr tarmoqlari korxonalarida qish davri uchun 258 ta har xil quvvatli transformatorlar, 70 tonna sim, 80 km. kabel va 490 tadan ortiq muftalardan iborat avariyaaviy xazira yaratildi.

Deputatlar sohada olib borilayotgan ishlarni eʼtirof etib, qayta tiklanuvchi energiya manbalaridan foydalanish, muqobil energiya manbalari qurilmalarini oʻrnatish va ekspluatatsiya qilish, ularga xizmat koʻrsatadigan korxonalarni tashkil etish, ularning xavfsizligini taʼminlash boʻyicha savollar berishdi.

J. Mirzamahmudovning qayd etishicha, jahonda energiya resurslariga boʻlgan talabning ortishi va iqlim oʻzgarishi fonida qayta tiklanuvchi energiya manbalarini keng joriy qilish, energiya samaradorligini oshirish dolzarb masalaga aylandi. Shundan kelib chiqib, mamlakatimizda ushbu sohada keng koʻlamli ishlar olib borilmoqda.



Bugungi kunda davlat-xususiy sheriklik asosida yirik quvvatli quyosh va shamol elektr stansiyalarini qurish loyihalari ijrosini taʼminlash, elektr energiyasini sotib olish boʻyicha 21 bitim, oʻz ehtiyojlari uchun ishlab chiqarilgan elektr energiyasini transportirovka qilish yuzasidan 5 ta shartnoma, asosiy shartlarni belgilovchi 2 ta kelishuv va 13 ta anglashuv memorandumi imzolandi.

Vazirning axborotiga koʻra, joriy yilda umumiy quvvati 2 817 MVt boʻlgan 8 ta loyiha doirasida dastlabki 1 517 MVt yangi quvvatlar ishga tushiriladi. Shuningdek, Navoiy viloyatidagi 500 MVt shamol elektr stansiyasini qurish loyihasi doirasida 111 ta “Goldwind” shamol turbinasidan 23 tasi qurilish maydoniga toʻliq komplekt holatda keltirilib, shundan 16 tasi oʻrnatildi, 33 ta turbina asoslarining qurilish ishlari yakunlandi.

Bundan tashqari, Toshkent viloyatida Saudiya Arabistonining “ACWA Power” kompaniyasi tomonidan quvvati 400 MVt boʻlgan quyosh fotoelektr stansiyasini qurish loyihasining muvofiq jadvalariga muvofiq dastlabki 100 MVt quvvati joriy yilning dekabr oyida tarmoqqa uzatildi.

Qayd etilganidek, kichik

quvvatli qayta tiklanuvchi energiya manbalari boʻyicha ham qator chora-tadbirlar amalga oshirilmoqda. Xususan, 2023-yil 21-noyabr holatiga respublika boʻyicha 402,3 MVt quyosh panellari va 1 103,4 ming litrli geliokollektorlar oʻrnatilgan.

Maʼlumotlarga koʻra, joriy yilning yanvar — oktabr oylarida yoqilgʻi-energetika resurslarini tejash boʻyicha tashkiliy-texnik tadbirlarning amalga oshirilishi natijasida 852,5 mln. kub metr tabiiy gaz va 900,7 mln. kVt-soat elektr energiyasi tejalgan.

Yoqilgʻi energetika resurslarini tejash chora-tadbirlari, shuningdek, iqtisodiyotning energiya sigʻimi yuqori boʻlgan tarmoqlarida modernizatsiyaga qaratilgan davlat dasturlarining amalga oshirilishi natijasida asosiy mahsulotlar ishlab chiqarishning energiya sigʻimlilik darajasi koʻrsatkichi 2019-yildagi 14,6 foizdan 2022-yilda 8,98 foizni tashkil qilgan holda 5,62 foizli punktga kamaygan.

Shuningdek, energiya resurslaridan oqilona foydalanishni taʼminlash va energiya samaradorligini oshirish boʻyicha boshqa bir qancha chora-tadbirlar amalga oshirib kelinmoqda.

“Hukumat soati”da dep-

utatlar vazir oldiga bir qator masalalarni qoʻydi. Xususan, xalq vakillari aholi va ijtimoiy soha obyektlariga suyuqtirilgan gaz oʻz vaqtida yetkazib berilmayotgani sababli bilan qiziqib, kuz-qish mavsumini betalafot oʻtkazish, uy-joy fondi va ijtimoiy soha obyektlarini uzluksiz energiya resurslari bilan taʼminlash boʻyicha savollar berishdi. Shuningdek, quyosh panellari oʻrnatilgan xonadonlarni tarmoqqa ulash, energiyani elektr tarmoqlari korxonalariga sotish uchun shartnoma tuzishda yuzaga kelayotgan ayrim masalalarga masʼulalar eʼtiborini qaratishdi.

Savol-javoblarga boy boʻlgan “Hukumat soati”da deputatlar sohada erishilgan yutuqlarni eʼtirof etib, energetika tizimidagi koʻrsatkichlarni yanada oshirish, energiya resurslaridan oqilona va mavjud imkoniyatlardan kengroq foydalanish, mamlakatimizda qayta tiklanuvchi energiya manbalarini keng joriy qilish boʻyicha tegishli taklif va tavsiyalar berdi.

Muhokamarlar soʻngida kun tartibidagi masala yuzasidan samarali parlament nazoratini taʼminlashga kelishib olindi.

Oliy Majlis Qonunchilik palatasi Parlament axborot markazi.

Qonunchilik palatasi qoʻmitasida

KORRUPSIYAGA QARSHI KURASHISH BOʻYICHA TAKLIFLAR BERILDI

Oliy Majlis Qonunchilik palatasining Korruptsiyaga qarshi kurashish va sud-huquq masalalari qoʻmitasi tomonidan Korruptsiyaga qarshi kurashish agentligining Oʻzbekiston Respublikasida korruptsiyaga qarshi kurashish toʻgʻrisidagi milliy maʼruzasi yuzasidan yigʻilish oʻtkazildi.

Unda agentlik tomonidan korruptsiyaviy xavflarni aniqlash va tizimli tahlil qilish, ularni keltirib chiqaruvchi omillarni bartaraf etish borasida izchil choralar koʻrilayotgani taʼkidlandi.

Amalga oshirilgan maʼmuriy islohotlar orqali “qoʻl” boshqaruvidan “avtomatik” boshqaruv tizimiga oʻtilmoqda. Natijada vazirlarning maqomi, vakolatlari, Prezident, parlament va jamoatchilik oldidagi siyosiy masʼuliyati hamda javobgarligi keskin oshirilmoqda. Vazirlik va idoralar funksiyalarining optimallashtirilishi boisi xususiy sektorga oʻtkazilayotgan davlat funksiyalari kamida 3 barabarga koʻpaytirilmoqda.

Shuningdek, davlat organlari va tashkilotlarining korruptsiyaga qarshi kurashish ishlarning samaradorligini reyting baholash hamda davlat organlari va tashkilotlarida ochiqlik boʻyicha amalga oshirilayotgan ishlarning samaradorligini baholashga qaratilgan Ochiqlik indeksi joriy etildi. Davlat organlari va tashkilotlarida korruptsiyaviy xavf-xatarlarning oldini olish boʻyicha “E-Antikorruptsiya” loyihasi ishga tushirildi.

Davlat xizmatlarini koʻrsatish sifati yaxshilanib, ortiqcha tartib-taomillar qisqartirildi hamda elektron shaklda koʻrsatiladigan davlat xizmatlari soni oshirildi.

2022-yil uchun “Transparency International” tashkilotining “Korruptsiyani qabul qilish indeksi” yangi reytingida Oʻzbekiston 14 pogʻonaga koʻtarilib, indeks bahosida qatorasiga 9 yil davomida barqaror oʻsishga erishildi. Shuningdek, Korruptsiyaga qarshi kurashish agentligi tomonidan korruptsiyaga qarshi kurashish samaradorligini oshirishga qaratilgan jami 17 ta normativ-huquqiy hujjat loyihasi ishlab chiqilib, ularning 13 tasi qabul qilindi.

Yigʻilishda qayd etilganidek, agentlik tomonidan jismoniy va yuridik shaxslarning murojaatlari, ommaviy axborot vositalarida eʼlon qilingan maʼlumotlar hamda davlat xaridlarini amalga oshirishda qonun buzilishi holatlari boʻyicha huddudlar va sohalar kesimida 60 ga yaqin oʻrganishlar oʻtkazilgan.

Shu bilan birga, korruptsiyaga qarshi kurashish borasida eʼtibor qaratilishi lozim boʻlgan masalalar ham mavjud. Agentlik korruptsiyaning oldini olish va unga qarshi kurashish sohasida davlat organlari hamda fuqarolik jamiyati institutlari bilan birgalikdagi

samarali faoliyatini taʼminlashga masʼul organ boʻlsa-da, bu jarayonda ushbu fuqarolik jamiyati institutlarining rolini yetarli, deb boʻlmaydi.

Muhokamarlar davomida agentlik normativ-huquqiy hujjatlar va ular loyihalarining korruptsiyaga qarshi ekspertizasini oʻtkazish tizimi samaradorligini tahlil qilishi va uni takomillashtirish boʻyicha takliflar kiritishi belgilangan boʻlsa-da, ushbu vazifa ijrosi taʼminlanmagani natijasida ayrim sohalar faoliyatini tartibga soluvchi normativ-huquqiy hujjatlarda korruptsiogen normalar saqlanib qolayotgani qayd etildi.

Jumladan, 2022-yil davomida oʻtkazilgan ekspertiza natijalariga koʻra, ijtimoiy taʼminot, ijtimoiy sugʻurta va ijtimoiy himoya, moliya, kredit va bank faoliyati, tadbirkorlik va xoʻjalik faoliyati hamda bojxona ishi va tashqi iqtisodiy faoliyatni tartibga soluvchi 238 ta normativ-huquqiy hujjatda 339 ta korruptsiyaviy omil aniqlangan boʻlsa-da, ularni bartaraf qilish ishlari yakuniga yetkazilmagan.

Agentlikka korruptsiyaga oid huquqbuzarliklar boʻyicha maʼmuriy surishtiruvlar oʻtkazish, korruptsiyaga oid jinoyatlar sodir etilishining sabab va shart-sharoitlarini aniqlash, tizimli korruptsiyaning rivojlanish tendensiyalarini tahlil qilish maqsadida qonunchilik, jumladan, jinoyat-protsessual qonunchiliga muvofiq jinoyat ishlari materiallarini oʻrganishga doir vakolatini amalga oshirishning huquqiy asoslarini ishlab chiqish borasidagi ishlar yakuniga yetkazilmasdan qolmoqda.

Bundan tashqari, agentlikning davlat hokimiyati va boshqaruv organi faoliyatining ochiqchiligi toʻgʻrisidagi qonunchilikni buzish holatlari boʻyicha maʼmuriy huquqbuzarlik toʻgʻrisida bayonoma tuzish huquqidan samarali foydalanilmayapti.

Yigʻilishda deputatlar budget mablagʻlarining sarflanishi, davlat aktivlarining realizatsiya qilinishi, investitsiya loyihalarining amalga oshirilishi bilan bogʻliq materiallarni oʻrganish, shuningdek, ijro hokimiyati va xoʻjalik boshqaruv organi hamda ularning mansabdor shaxslari qarorlari qonuniyligi yuzasidan oʻtkazilayotgan nazorat samaradorligini oshirish yuzasidan taklif-tavsiyalar berishdi.

Yakunda sohani takomillashtirish hamda agentlik tomonidan amalga oshirilishi lozim boʻlgan qator takliflar ishlab chiqildi.

“Xalq soʻzi”.

YANGI TAHRIRDAGI KONSTITUTSIYA

– INSON SHA’NI, QADR-QIMMATI VA HUQUQLARINING MUSTAHKAM KAFOLATI



Shundan kelib chiqib, keyingi yillarda mamlakatimizda Yangi Oʻzbekiston — inson sha’ni va qadr-qimmati, huquq va erkinliklari, qonuniy manfaatlarini oliy qadriyat hisoblangan davlat boʻlishi; xalq davlat idoralarga emas, davlat idoralari xalqimizga xizmat qilishi; “odamlar tashvishi bilan yashash”, xalqimizning qonuniy talab-istaklari va xohish-irodasini roʻyobga chiqarish davlat organlari faoliyatini baholashning eng muhim mezoniga aylanishi; barcha muhim qarorlar aholi ishtirokida, fuqarolik jamiyati institutlari bilan maslahatlashuv asosida qabul qilinishi kabi prinsip va gʻoyalarni hayotga tatbiq etishga qaratilgan tizimli chora-tadbirlar amalga oshirilmoqda.

Demokratiyaning talabu taomili va ustunligi ham shunda. Bunda qonun chiqaruvchi va ijro organlaridan inson huquqlarini taʼminlash; demokratik islohotlarni chuqurlashtirish va mamlakatni modernizatsiya qilishda parlament va siyosiy partiyalar, fuqarolik jamiyati institutlari, ommaviy axborot vositalarining rolini kuchaytirish; hokimiyat tarmoqlarini tiyib turish va muvozanatni saqlashda parlament rolini oshirish; davlat xizmatlari sifati va samaradorligini yaxshilash, davlat organlari faoliyatining hisobdorligi va ochiqchiligi kuchaytirish hamda parlament va jamoatchilik nazorati mexanizmlarini amalga tatbiq qilish masalalariga alohida eʼtibor qaratish talab etiladi.

Davlat organlari xalqqa xizmat qilishi kerak!

Yuqorida aytib oʻtilgan moddaning ikkinchi bandi birinchi qismida belgilab berilgan **Oʻzbekiston Respublikasida davlat hokimiyati xalq manfaatlarini koʻzlab amalga oshirilishi** toʻgʻrisidagi norma ham aytib oʻtilgan fikrlarning tasdiqʻidir. Hech shubhasiz, ushbu normalar mamlakatimizda xalq hokimiyatchiligining konstitutsiyaviy-huquqiy asoslarini mustahkamlash bilan bir qatorda xalqimiz xohish-irodasi va insonlarning qonuniy manfaatlarini taʼminlashga ham xizmat qiladi.

Mazkur moddaning ikkinchi bandida yana bir umumeʼtirof etilgan tamoyil mustahkamlangan. Unga koʻra davlat hokimiyati faqat **“Oʻzbekiston Respublikasi Konstitutsiyasi hamda uning asosida qabul qilingan qonunlar vakolat bergan organlar tomonidagina amalga oshiriladi”**.

Konstitutsiyadagi ushbu qoidalarni 10-moddaning “Oʻzbekiston xalqi nomidan faqat u saylagan Oʻzbekiston Respublikasi Oliy Majlisi va Prezidenti ish olib borishi mumkin”, degan birinchi bandida yanada aniq ifoda etilgan va chuqur ochib berilgan. Yaʼni jamiyatning biron-bir qismi, siyosiy partiya, jamoat birlashmasi, ijtimoiy harakat yoki alohida shaxs Oʻzbekiston xalqi nomidan ish olib borishga haqli emas.

Ushbu normalar talqini asnosida shuni taʼkidlash oʻrinliki, insoniyat tajribasi negizida demokratiyaning ikki turi ishlab chiqilgan. Bulardan biri — toʻgʻridan-toʻgʻri, yaʼni bevosita demokratiya boʻlsa, ikkinchisi — saylangan vakillarning tegishli muassasalari orqali amalga oshiriladigan vakillik demokratiya oʻsdir.

Shunga koʻra Oʻzbekistonda boshqaruv davlat hokimiyatining uch tarmoqdan iborat tizimi orqali amalga oshiriladi: Oliy Majlis qonun chiqaruvchi vakillik organi sifatida qonunlarni qabul qiladi, Vazirlar Mahkamasi boshchiligidagi ijro hokimiyati ularning ijrosini taʼminlaydi, sudlar odil sudlov organlari sifatida nizolarni qonun asosida hal qiladi. Ushbu organlarning har biri muayyan doiradagi vakolatlariga egadir.

Yangi Oʻzbekiston — demokratik va huquqiy davlat

Yangi tahrirdagi Konstitutsiyaning 7-moddasi uchinchi bandida: **“Konstitutsiyada nazarda tutilmagan tartibda davlat hokimiyati vakolat-**

larini oʻzlashtirish, hokimiyat organlari faoliyatini toʻxtatib qoʻyish yoki tugatish, hokimiyatning yangi va muvoziy tarkiblarini tuzish Konstitutsiyaga xilof hisoblanadi va qonunga binoan javobgarlikka tortishga asos boʻladi” deb belgilangan.

Bu normalar Yangi Oʻzbekiston demokratik huquqiy davlat hisoblanib, mamlakatda hokimiyat almashishi faqat Konstitutsiya va qonunlar asosida taʼminlanadi, degan tamoyil hayotga tatbiq etilishining kafolatidir. Davlatning huquqiy siyosati insonparvarlik, demokratiya, ijtimoiy adolat va siyosiy xilmaxillik prinsiplariga asoslanadi.

Yangi Oʻzbekistonda xalqimizning boy tajribasi va madaniy anʼanalariga asoslangan demokratiya oʻrnatilmoqda, bunda aholining turli ijtimoiy guruhlari va qatlamlari manfaatlarini hisobga olinadi. Zoʻravonlikka asoslangan eskicha maʼmuriy-buyruqbozlik tizimi qoldirilgan nihoyat barham topdi, koʻp partiyaaviylik, gʻoya va fikrlar xilmaxilligi odatiy holga aylanib bormoqda.

Oʻz navbatida, ushbu konstitutsiyaviy normalar umumeʼtirof etilgan bir qator prinsiplarga ham toʻla mos keladi.

Xususan, “Konstitutsiya va qonunlar ustunligi” prinsipini olaylik. Davlat organlarining vakolatlari Prezident, parlament yoki hukumatning har xil normativ-huquqiy hujjatlari bilan emas, balki faqat Konstitutsiya va qonunlar bilan belgilanadi. Davlat organlari Konstitutsiya va qonunlarga soʻzsiz boʻysunishi va oʻz vakolatlarini shu huquqiy negizdagina amalga oshirishi shart. Bu qatʼiy mezon qonun ustuvorligining ham muhim belgisi hisoblanadi. Jamiyatning biron-bir qismi, siyosiy partiya, jamoat birlashmasi, ijtimoiy harakat yoki alohida shaxs tomonidan “davlat hokimiyatining tortib olinishi”ga yoʻl qoʻyilmaydi.

Shuningdek, insonning siyosiy va boshqa huquq hamda erkinliklarini amalga oshirishi, davlat organlarining demokratik asosda shakllanishini taʼminlash, jamiyatning demokratik siyosiy tizimini shakllantirishga koʻmaklashish hamda demokratik institutlar, fuqarolik jamiyati institutlari rolini kuchaytirish uchun qulay shart-sharoit yaratish kafolatlanadi.

Yangi Oʻzbekiston — ijtimoiy va dunyoviy davlat

Konstitutsiyamiz Muqaddimasida davlat va jamiyat taraqqiyotining huquqiy mafkurasini, xalqimiz Yangi Oʻzbekistonni bunyod etish yoʻlida tayanadigan konstitutsiyaviy qadriyatlar va tamoyillar aniq belgilab berilgan.

Birinchi tamoyil — inson huquq va erkinliklariga, milliy va umuminsoniy qadriyatlarga, davlat suvereniteti prinsiplariga sodiqlik. Bu bilan Konstitutsiyamiz insonning asrlar davomida dunyoda shakllangan asosiy maʼnaviy-axloqiy qadriyatlarini va asosiy huquqlarini oʻzida mujassam etgan holda, insonning oliy qadriyati — uning hayoti, erkinligi, shaʼni va qadr-qimmatini ekanini eʼlon qildi.

Konstitutsiyamizning avvalgi tahriridan farqli oʻlaroq, uning yangi tahririning asosiy gʻoyasi shaxsning huquqlari, erkinliklari va qonuniy manfaatlarini, inson shaʼni va qadr-qimmatini taʼminlash, ilgari mavjud boʻlgan **“davlat — jamiyat — shaxs”** paradigmasini yangi: **“inson — jamiyat — davlat”** tamoyiliga oʻzgartirishdan iborat.

Davlatimiz rahbari taʼrifiga koʻra, inson qadri — mamlakatning har bir fuqarosi uchun tinch va xavfsiz hayot, fundamental huquq va erkinliklar, malakali tibbiy xizmat, sifatlí taʼlim, kuchli va manzilli ijtimoiy himoya hamda sogʻlom ekologik muhit taʼminlanishini, munosib turmush sharoiti va zamonaviy infratuzilmaning bosqichma-bosqich yaratilishini anglatadi.

Bugungi kunda inson qadr-qimmatini, uning huquqlari, erkinliklari va qonuniy manfaatlarini taʼminlash gʻoyasi davlatimizning butun ichki va tashqi siyosatining tamol toshiga, Yangi Oʻzbekistonda olib borilayotgan

demokratik islohotlarning eng muhim harakatlaniruvchi kuchiga hamda ushbu ezgu saʼy-harakatlarni oʻzaro bogʻlab turuvchi muhim omilga aylandi.

Agar dunyo mamlakatlari Konstitutsiyalarida insonning 110 dan ortiq huquqlari qayd etilganini hisobga olsak, hozirgi kunda shundan 90 tasi yangi tahrirdagi Konstitutsiyamizda mavjud. Yaʼni bu Konstitutsiya, tom maʼnoda, oʻzbekona “Inson huquqlari toʻgʻrisidagi bill”ga aylandi, deyishga barcha asoslar bor.

Ikkinchi tamoyil — demokratiya, erkinlik va tenglik, ijtimoiy adolat va birdamlik gʻoyalariga sadoqat. Inson huquqlari boʻyicha xalqaro huquqda **“inson qadr-qimmatini”** tushunchasi har bir inson hurmatiga loyiq ekanini tushunishga asoslangan tenglik va shaxsiy erkinlik tushunchalari bilan uzviy bogʻliq.

Inson huquqlari boʻyicha xalqaro shartnomalarda taʼkidlanganidek, erkinlik shaxsning oʻz huquqlarini amalga oshirishda davlat aralashuvining yoʻqligini anglatadi. Shu maʼnoda, konstitutsiyaviy islohotlarda huquqiy, ijtimoiy davlat imperativini taʼminlashga alohida eʼtibor qaratildi. Birdamlik, adolatlí ijtimoiy siyosat, inson kapitalini rivojlantirish tamoyillari ustuvorligiga tayanildi.

Yangi tahrirdagi Oʻzbekiston Konstitutsiyasida davlatning ijtimoiy sohadagi majburiyatlariga taalluqli normalar 3 barobar koʻpaydi. Eng muhimi, Asosiy Qonunimizda birinchi marta **“Oʻzbekiston — boshqaruvning respublika shakliga ega boʻlgan suveren, demokratik, huquqiy, ijtimoiy va dunyoviy davlat”** (1-moddasi), degan norma belgilandi.

Ijtimoiy davlat, deganda, avvalo,

Oʻzbekiston Respublikasining yangi tahrirdagi Konstitutsiyasi, tom maʼnoda, oʻzbekona “Inson huquqlari toʻgʻrisidagi bill”ga aylandi.

oʻz fuqarolariga muayyan minimal farovonlikni kafolatlaydigan davlat tushuniladi. Yangi Oʻzbekistonning asosiy maqsadi — har bir fuqaroga gʻamxoʻrlik qilish, inklyuziv rivojlanish, aholining barcha qatlami uchun teng huquq va imkoniyatlarni taʼminlashdan iborat.

Uchinchi tamoyil — hozirgi va kelajak avlodlar oldidagi yuksak masʼuliyatimizni anglash (avlodlar huquqlari tengligi prinsipi), shuningdek, mamlakatimizning bebaho tabiiy boyliklarini koʻpaytirishga hamda hozirgi va kelajak avlodlar uchun asrab-avaylash, atrof-muhit musaffoligini saqlashga astoydil intilish.

Hozirgi vaqtda koʻpgina rivojlangan davlatlar, global iqlim oʻzgarishini hisobga olgan holda, oʻz Konstitutsiyalariga maxsus ekologik boʻlimlarni kiritmoqda. Jumladan, dunyoning 100 dan ortiq davlatlari Konstitutsiyalarida jamiyat va tabiat oʻrtasidagi oʻzaro munosabatlar ehtiyojlariga javob beradigan ekologik huquqning umumeʼtirof etilgan prinsiplari mustahkamlangan.

Yangi tahrirdagi Konstitutsiyamiz yangi xususiyatlarining tahlili bu boradagi normalar mustahkamlangani va yanada kuchaytirilganini koʻrsatadi. Xususan, Asosiy Qonunimizning 115-moddasida atrof-muhitni muhofaza qilish, tabiiy boyliklarni va biologik xilmaxillikni saqlash, iqlim oʻzgarishiga, epidemiyalarga, pandemiyalarga qarshi kurashish hamda ularning oqibatlarini yumshatish sohasida yagona davlat siyosati amalga oshirilishini, 49-moddasida esa har kinning qulay atrof-muhitga, uning holati toʻgʻrisidagi ishonchli axborotga boʻlgan huquqlarini taʼminlash belgilangan. Davlatning barqaror rivojlanish prinsipiga muvofiq, atrof-muhitni yaxshilash, tiklash va muhofaza qilish, ekologik muvozanatni saqlash, shuningdek, Orolboʻyi mintaqasining

ekologik tizimini muhofaza qilish hamda tiklash, mintaqani ijtimoiy va iqtisodiy jihatdan rivojlantirish yuzasidan choralarni amalga oshirish sohasidagi majburiyatlarini ham shular jumlasidandir.

Toʻrtinchi tamoyil — davlatchililigimiz rivojining uch ming yildan ziyod tarixiy tajribasiga, shuningdek, jahon sivilizatsiyasiga beqiyos hissa qoʻshgan buyuk ajdodlarimizning ilmiy, madaniy va maʼnaviy merosiga tayanish.

Oʻzbek xalqining tarixi asrlar qatʼiga borib taqaladi va uch ming yildan ortiq davmi qamraydi. Yurtimiz hududida oʻz davrida gullab-yashnagan — Katta Xorazm, Bactriya, Soʻgʻd, Oʻrta asrlardagi Movarounnahr, Turkiston kabi davlatlar; Samarqand, Buxoro, Termiz, Toshkent, Xiva, Shahrisabz singari oʻnlab noyob qadimiy shaharlar jahon madaniyatida yorqin iz qoldirgan. Ana shu boy oʻtmishimiz sivilizatsiya jarayonlari va falsafiy qarashlar, ilm-fan, ayniqsa, tibbiyot, astronomiya, geografiya, matematika, geodeziya va arxitektura sohalarini rivojiga, madaniy va maʼnaviy qadriyatlarning shakllanishiga sezilarli darajada hissa qoʻshdi.

Shu bilan birga, xalqimiz tarixi, turmush tarzi va anʼanaviy madaniyatida maʼnaviy-axloqiy, ilmiy, diniy va huquqiy qadriyatlar muhim oʻrin tutgan. Ulugʻ ajdodlarimizning maʼnaviy yuksalishga daʼvat etuvchi ezgu amallari, diniy-axloqiy, huquqiy eʼtiqod Konstitutsiyamizni maʼnaviy boyitdi.

Konstitutsiyada xalqimizga xos mehr-oqibat, oʻzga millat vakillariga hurmat, bilimiga intilish, or-nomus va qadr-qimmat, bagʻrikenglik va hayo kabi fazilatlar oʻz ifodasini topdi. Unda

muqaddas Vatanimiz xalqiga xos adolat, rostgʻoylik, oliyanoblik, mardlik va saxovat kabi yuksak fazilatlar ham mujassam etildi.

Beshinchi tamoyil — Oʻzbekistonning jahon hamjamiyati, avvalo, koʻshni davlatlar bilan doʻstona munosabatlarni hamkorlik, oʻzaro qoʻllab-quvvatlash, tinchlik va totuvlik asosida mustahkamlash hamda rivojlantirishga intilish.

Bugungi kunda **Oʻzbekiston dunyoning 142 mamlakati bilan diplomatik aloqalar oʻrnatgan boʻlib, 100 dan ortiq xalqaro tashkilot va tuzilmalarga aʼzo hisoblanadi.** Shu bilan birga, keyingi yillarda Yangi Oʻzbekistonda ochiq va tinch, pragmatik va faol tashqi siyosatning mutlaqo yangi modeli amalga oshirilmoqda.

Mazkur modelning eng muhim vazifalari — milliy rivojlanish maqsadlariga soʻzsiz erishish uchun barcha ichki va tashqi resurslarni birlashtirish hamda safarbar etish, mamlakatning barqaror rivojlanishi uchun qulay tashqi muhitni shakllantirish, milliy manfaatlarini xalqaro maydonda samarali ilgari surish va izchil targʻib qilish hamda milliy rivojlanish maqsadlariga erishish va mamlakat iqtisodiyotining jahon bozorida raqobatbardoshligi ortib borishini taʼminlash uchun barcha imkoniyatlarni ishga solishdir.

Bu vazifalarni amalga oshirishda Yangi Oʻzbekistonning barcha xorij davlatlari bilan munosabatlarni oʻrnatishda pragmatik yondashuvni mustahkamlash, koʻp tomonlamalik tamoyilini ilgari surish, globallashuvning ijodiy jarayonlarini rivojlantirish, oʻzaro manfaatli va teng huquqli xalqaro hamkorlikni yoʻlga qoʻyish, davlatimizni dunyoning faol va tadbirkor mamlakatlaridan biriga aylantirishga qaratilgan tashqi siyosati asosiy omil boʻladi.

Buni 2017 — 2022-yillarda birgina



BMT doirasida Oʻzbekiston Prezidenti tomonidan xalqaro va mintaqaviy xavfsizlikni mustahkamlash, taʼlim, maʼnaviyat, ekologiya, turizmni yanada rivojlantirish, inson huquqlarini himoya qilish va boshqa sohalarida 30 dan ortiq tashabbuslar ilgari surilgan ham tasdiqlaydi. Davlatimiz rahbari tashabbuslari bilan keyingi yillarda BMT Bosh Assambleyasining **7 ta rezolyutsiyasi** qabul qilindi va bu-larning barchasi, albatta, BMTga aʼzo davlatning eng faol va samarali rahbari sifatida eʼtirof etilgan Prezident Shavkat Mirziyoyev siyosatining bemisli muvaffaqiyatidir.

Oltinchi tamoyil — fuqarolarning munosib hayot kechirishini, millatlararo va konfessiyalararo totuvlikni, koʻp millatli jonajon Oʻzbekistonimizning farovonligini va gullab-yashnashini taʼminlash.

Yangi tahrirdagi Konstitutsiyamiz dunyoviy davlat, ochiq va adolatlí jamiyat qurish, unda tenglik va teng huquqlilik prinsiplarini hayotga tatbiq etish, fuqarolar, ayniqsa, ayollar va bolalar huquqlarini kamsitmaslik gʻoyalariga asoslanadi. Bunda yurtimizda inson huquqlari madaniyati tobora yuksalayotgani, inson hayoti, erkinligi, shaʼni va qadr-qimmatiga hurmat ruhi shakllanayotgani alohida ahamiyat kasb etadi.

Bosh qomusimiz Muqaddimasida Oʻzbekiston xalqi ushbu Konstitutsiyani, jumladan, **“fuqarolar tinchligi va milliy totuvligini taʼminlash maqsadida”** qabul qilgani alohida taʼkidlangan. Shu maʼnoda, Asosiy Qonunimiz — biz uchun nafaqat muhim hayotiy qoʻllanma, balki milliy fuʼrur-iftixor, kerak boʻlsa, ushbu zaminda istiqomat qilayotgan, jinsi, irqi, millati, tili, dinidan qatʼi nazar, barcha insonlar uchun mustahkam huquqiy himoya hisoblanadi.

Toʻgʻridan-toʻgʻri amal qiladigan Asosiy Qonun

Yangi tahrirdagi Konstitutsiyaning 1-moddasida davlat qurilishining yangi strategik maqsadi — suveren, demokratik, huquqiy, ijtimoiy va dunyoviy davlat qurish ekanligi qatʼiy belgilandi, ijtimoiy adolat va birdamlik prinsiplari joriy etildi. Ayniqsa, inson huquqlari, erkinliklari va qonuniy manfaatlarini himoya qilishning mutlaqo yangi mexanizmlarini nazarda tutuvchi konstitutsiyaviy asoslar mustahkamlangani eʼtiborga sazovor.

Eng asosiysi, yangi tahrirdagi Konstitutsiyamizning:

Muxtasar aytganda, bugun Konstitutsiyamizning yangi normalarida asosiy eʼtibor inson, jamiyat va davlatning barqaror rivojlanishini taʼminlashga qaratilganini ishonch bilan taʼkidlash mumkin. Yangi tahrirdagi Asosiy Qonunning qabul qilinishi bilan bu borada yanada mustahkam konstitutsiyaviy-huquqiy asos yaratildi. Binobarin, Yangi Oʻzbekiston oʻzining ushbu sohalaridagi xalqaro majburiyatlariga qatʼiy sodiqligini yana bir bor namoyon etdi.

Konstitutsiyamizda Yevropa, Osiyo, Sharq va Amerika mintaqalarida joylashgan dunyo davlatlarining ijobiy konstitutsiyaviy tajribasi oʻz aksini topgan. Asosiy Qonunimiz huquqshunos olimlar, siyosatshunoslar, koʻplab xalqaro tashkilotlar mutaxassislari tomonidan sinchiklab oʻrganilgan boʻlib, unga inson huquqlari boʻyicha xalqaro huquq normalari qoʻshimcha ravishda uygʻunlashtirilgandir.

Ishonchimiz komilki, xalqaro tashkilotlar vakillari va ekspertlar xolis va toʻgʻri taʼkidlaganlaridek, **Oʻzbekiston Konstitutsiyasining yangi tahrirda qabul qilinishi “Inson shaʼni va qadr-qimmatini uchun” tamoyili asosida xalq farovonligini yanada yuksaltirish, inson, fuqarolik jamiyati va davlatni jadal rivojlantirish uchun mustahkam zamin yaratdi.**

birinchidan, mamlakatning butun hududida oliy yuridik kuchga egaligi; ikkinchidan, toʻgʻridan-toʻgʻri amal qilishi;

uchinchidan, yagona huquqiy makonning asosini tashkil etishiga taalluqli konstitutsiyaviy normalar mustahkamlab qoʻyildi. Eski tahrirdagi matnda Konstitutsiya normalarini toʻgʻridan-toʻgʻri qoʻllashga doir ushbu mexanizmlar mavjud emasdi.

Bosh qomusimizning “Konstitutsiya va qonunning ustunligi” bobidagi 15 va 16-moddalarning yangi va eski matnidagi normalari oʻzaro qiyoslansa, bu fikrlarimiz qanchalik haqqoniy ekani oʻz tasdiqʻini topadi. Yangi tahrirdagi Konstitutsiyaning 15-moddasiga muvofiq:

“Oʻzbekiston Respublikasida Oʻzbekiston Respublikasi Konstitutsiyasi va qonunlarining ustunligi soʻzsiz tan olinadi.

Oʻzbekiston Respublikasi Konstitutsiyasi mamlakatning butun hududida oliy yuridik kuchga ega, toʻgʻridan-toʻgʻri amal qiladi va yagona huquqiy makonning asosini tashkil etadi”.

Shu oʻrinda 2023-yil 8-may kuni Prezidentimizning “Yangi tahrirdagi Oʻzbekiston Respublikasi Konstitutsiyasini amalga oshirish boʻyicha birinchi navbatdagi chora-tadbirlar toʻgʻrisida”gi Farmoni qabul qilinganini taʼkidlash lozim. Ushbu muhim hujjat talablari:

yangi tahrirdagi Konstitutsiyamizni soʻzsiz va toʻliq amalga oshirish;

unda mustahkamlangan ustuvor prinsiplarni Yangi Oʻzbekiston ulugʻvor gʻoyasiga hamohang tarzda roʻyobga chiqarish;

davlat organlarining faoliyatini yangicha konstitutsiyaviy-huquqiy sharoitlarda yoʻlga qoʻyish;

fuqarolar oʻz hayotida xalq Konstitutsiyasi ruhini yaqqol his etib turishini taʼminlash maqsadlariga qaratilgan.

Farmonda belgilanganidek, **“yangi tahrirdagi Konstitutsiya oliy yuridik kuchga ega ekanligidan kelib chiqib, davlat organlari va tashkilotlari, shu jumladan, sud va huquqni muhofaza qiluvchi organlar faoliyatida toʻgʻridan-toʻgʻri va soʻzsiz qoʻllaniladi”**.

Oʻzbekiston Respublikasi Konstitutsiyasiga kiritilgan yangi, zamonaviy va juda muhim normalarning hayotga qatʼiy hamda izchil tatbiq etilishi, xususan, sudlar tomonidan ana shu konstitutsiyaviy qoidalarlarning toʻgʻridan-toʻgʻri qoʻllanishi yurtimiz va xalqimiz tarixida inson huquqlari, erkinliklari, qonuniy manfaatlarini va qadr-qimmatini ulugʻlash borasida yangi davrni boshlab bermogʻda. Prezidentimiz taʼkidlaganidek, **“Inson qadri biz uchun qandaydir mavhum, balandparvoz tushuncha emas. Inson qadri deganda, biz, avvalo, har bir fuqaroning tinch va xavfsiz hayot kechirishini, uning fundamental huquq va erkinliklarini taʼminlashni nazarda tutamiz”**.

Akmal SAIDOV,
Oʻzbekiston Respublikasi Oliy Majlisi Qonunchilik palatasi Spikerining birinchi oʻrinbosari, Inson huquqlari boʻyicha Oʻzbekiston Respublikasi Milliy markazi direktori.



O'ZBEKISTON VA BUTUN MARKAZIY OSIYO MINTAQASI NUFUZINI JAHON MIQYOSIDA TARG'IB ETISHGA XIZMAT QILUVCHI MUHIM TADBIR

“Dunyo” AA muxbiri UNESCO Bosh konferensiyasi 42-sessiyasining ayrim ishtirokchilari bilan suhbatlashdi.

Somiya JAKTA, Islom hamkorlik tashkilotining (ISESKO) UNESCO huzuridagi doimiy kuzatuvchilar missiyasining aloqa bo'yicha ofitseri:

— ISESKOning UNESCO huzuridagi Doimiy kuzatuvchilar missiyasi nomidan O'zbekistonni Samarqand shahri 2025-yilda UNESCO Bosh konferensiyasining 43-sessiyasi o'tkaziladigan joy etib e'lon qilgani bilan samimiy tabriklayman. Parijda bo'lib o'tgan UNESCO Bosh konferensiyasining 42-sessiyasida mamlakatimiz delegatsiyasi tashkilotning navbatdagi sessiyasini Samarqandda o'tkazish to'g'risidagi O'zbekiston taklifini ilgari surish borasida katta ishlarni amalga oshirdi. Natijada 2025-yilda UNESCO O'zbekistonda taqdim etiladi.

Mamlakatimizni ushbu ajoyib voqea bilan yana bir bor tabriklayman.

Sodiq Sher-NIYOZ, Qirg'izistonning UNESCO huzuridagi doimiy vakili, elchi:

— O'zbekistonni ushbu chinakam buyuk g'alaba bilan katta mamnuniyat va quvonch ila tabriklayman. UNESCO ko'p yillar davomida Parijdagi qarorgohidan tashqarida Bosh konferensiya sessiyasini o'tkazmagan edi.

O'ylaymanki, bu nafaqat O'zbekistonga,

balki yaqin atrofdagi barcha davlatlar — Qozog'iston, Qirg'iziston, Tojikiston, Turkmaniston va butun Markaziy Osiyo mamlakatlarga katta turki beradi. Bu madaniy-gumanitar, ilmiy-texnikaviy sohalarini rivojlantirish uchun ilhomlantiruvchi salohiyat hamdir. Endi barcha yo'llar Samarqandga eltadi.

Reychel Annik Ogula AKIKO, Gabonning UNESCO huzuridagi doimiy vakili, elchi:

— UNESCO Bosh konferensiyasi 42-sessiyasining navbatdagi, 43-sessiyani Samarqand shahrida o'tkazish to'g'risidagi qarorini olqishlayman. O'zbekiston katta davlat. UNESCO dunyoga ochiq tashkilotdir. 2022-yil dekabr oyida UNESCO tomonidan ta'lim bo'yicha xalqaro konferensiya tashkil etilganida Samarqandga tashrif buyurish imkoniga ega bo'lgan edim. Faxriy mehmon sifatida mening yurtim Gabon taklif qilindi. UNESCO Bosh konferensiyasining navbatdagi sessiyasi ushbu go'zal shaharda bo'lib o'tayotganida Samarqandga ikkinchi marta borishimdan juda xursandman.

Adam Al MULLA, Kuvaytning UNESCO huzuridagi doimiy vakili, elchi:

— O'zbekiston, uning xalqi va hukumatini

ushbu muhim voqea bilan chin qalbidan tabriklayman. Tashkilotga a'zo barcha davlatlar vakillari O'zbekistonning Bosh konferensiyasining navbatdagi 43-sessiyasini 2025-yilda Samarqand shahrida o'tkazish to'g'risidagi taklifini qo'llab-quvvatladi. Ma'lumki, 40 yil davomida Bosh konferensiyasining birorta ham sessiyasi Parijdan tashqarida o'tkazilmagan. Samarqand — bu ko'p yillik amaliyotni yangilash uchun ajoyib shahar.

Shubhasiz, bu O'zbekistonning ta'lim, madaniyat, yoshlar siyosati, ya'ni UNESCO vakolatiga kirgan sohalaridagi yutuqlarini namoyish etish imkonini beradigan ulkan tadbir bo'ladi. Mazkur anjuman O'zbekiston va butun Markaziy Osiyo mintaqasi nufuzini jahon miqyosida targ'ib etishga xizmat qiladi.

UNESCOga a'zo davlatlar juda to'g'ri qarorga kelganidan barchamiz xursandmiz. Bosh konferensiya ishtirokchilari yurtimiz go'zalligi va xalqimiz mehmondo'stligidan bahramand bo'lish uchun O'zbekistonga borishni intilqil bilan kutadi.

Yana bir bor O'zbekiston xalqi va hukumatiga tabriklarimni yo'llayman.

Simona-Mirela MIKULESKU, Ruminiyaning UNESCO huzuridagi doimiy vakili, Bosh konferensiyasining 42-sessiyasi raisi, elchi:

— O'zbekiston xalqi va hukumatini ushbu tarixiy muvaffaqiyat bilan tabriklashdan mamnunman. UNESCO

Bosh konferensiyasining 42-sessiyasiga raisligim davomida ushbu muhim qaror qabul qilinganidan juda xursandman. Sharqiy yevropalik, ruminiyalik sifatida men dunyoning ushbu qismi qanday mehmondo'stlik ko'rsatishi mumkinligini butun dunyoga ko'rsata olishimizdan faxrlanam.

Ayniqsa, O'zbekiston delegatsiyasi a'zolarining tajribasi, ushbu muhim qarorga olib kelgan butun jarayon meni hayratga soldi. Ular kechayu kunduz ishladilar, diplomatlardek, men ushbu jarayon qanday og'ir kechganini bilaman. Men ularni chin yurakdan tabriklayman. Bu muvaffaqiyat global ahamiyatga ega. O'zbekiston rahbariyati, davlat hokimiyati va diplomatiyasi shunchaki ajoyib. Sizda O'zbekiston naqadar go'zal ekanligini butun dunyoga ko'rsatish uchun ajoyib imkoniyat bor.

Rodulfo Humberto Peres ERNANDES, Venesuelaning UNESCO huzuridagi doimiy vakili, elchi:

— Fursatdan foydalanib, men Venesuela Bolivar Respublikasi nomidan murojaat qilmoqchiman. O'zbekiston hukumati va xalqini ushbu favqulodda g'alaba bilan tabriklayman. Bu voqea butun ko'p qutbli dunyo uchun haqiqat onlari bo'lib, barcha odamlar teng huquqli ekanligini isbotladi.

Samarqandda ko'rishguncha! O'zbekistonni ushbu g'alaba bilan tabriklaymiz! Mening mamlakatim Venesuela siz bilan!

O'ZBEKISTON — BIZNESNI RIVOJLANTIRISH UCHUN JUDA ISHONCHLI MAMLAKAT

Xitoy Xalq Respublikasining Guanchjou shahrida O'zbekiston — Xitoy biznes anjumani bo'lib o'tdi.

Tadbirda Guandun provinsiyasi vitse-gubernatori Chjan Sin, provinsiya iqtisodiy idoralari rahbarlari va yetakchi kompaniyalarning 170 nafardan ortiq vakillari qatnashdi.

E'tirof

Xitoylik ishbilarmonlarga O'zbekistonning iqtisodiy salohiyati, sarmoyaviy muhiti va texnologik hamkorlik bo'yicha imkoniyatlari namoyish etildi. Elektronika va elektrotexnika, to'qimachilik va charm sanoati, shuningdek, qurilish materiallarini ishlab chiqarish, farmatsevtika va qishloq xo'jaligi sohalaridagi istiqbolli investitsiya loyihalari taqdimotiga alohida e'tibor qaratildi.

Biznes-anjumaning ochilishida so'zga chiqqan provinsiya vitse-gubernatori Chjan Sin bugungi kunda Guandun 2,1 trillion dollarlik yalpi ichki mahsuloti va 1,2 trillion dollarlik tashqi savdo aylanmasi bilan ketma-ket sakkizinchi yil rivojlanishning yuqori sur'atlarini namoyish etayotganini ta'kidladi.

“Iqtisodiyotning yetakchi tarmoqlarida ilg'or qo'shma korxonalarni faol ravishda tashkil qilish hamda texnologiya va innovatsiyalarga e'tibor qaratgan holda yangi investitsiya loyihalarini ilgari surish uchun katta sarmoyaviy salohiyatga ega O'zbekiston uchun Guandun imkoniyatlari-dan foydalanish muhim”, dedi u.

Vitse-gubernatorning aytishicha, bunday forumlar yaqindan o'zaro fikr almashishga ko'maklashadi, ishbilarmon doiralarning o'zaro manfaatlarini birlashtiradi. U hozir bo'lgan kompaniyalarni Guandun va O'zbekiston o'rtasidagi ikki tomonlama munosabatlar tarixida yangi sahifa yaratish uchun

O'zbekistonga faol sarmoya kiritishga da'vat etdi.

Biznes-forum davomida Toshkent shahrida Oliy ta'lim, fan va innovatsiyalar vazirligi bilan birgalikda biotibbiyot sohasiga ixtisoslashtirilgan yangi texnologiyalarni tadqiq etish va rivojlantirish institutining ochilish marosimi bo'lib o'tdi.

O'zbekiston sanoat boshqarmalari va viloyat hokimliklarining vakillari Xitoyning 60 dan ortiq yetakchi kompaniyalari — salohiyatli investorlar bilan ikki tomonlama muzokaralar o'tkazdi.

Guandun provinsiyasining ishbilarmon doiralari o'zbekistonlik sheriklar bilan, xususan, Sirdaryo, Samarqand, Toshkent va Xorazm viloyatlarida amaliy hamkorlikni yo'lga qo'yishga qiziqish bildirishdi.

Albert TAM, “ORI Jun (Guangdong) Industrial Development Co. Ltd” kompaniyasi prezidenti:

— Mamlakatlarimiz o'rtasidagi ko'p tomonlama hamkorlik va do'stona munosabatlar tobora mustahkamlanib borayotganidan dalolat beradigan ushbu O'zbekiston — Xitoy biznes forumida ishtirok etish menga katta mamnuniyat bag'ishlaydi.

Shubhasiz, bunday tadbirlar vositasida O'zbekiston va Xitoy ishbilarmonlari o'z hamkorlikni toplashlari, qo'shma loyihalar tuzishlari, faoliyatlarini kengaytirishlari mumkin bo'ladi.

Kompaniyamiz O'zbekiston bilan ham yaqin hamkorlik qiladi. Biz o'zbeklar yurtda biznesimizni kengaytirishni rejalashtirmoqdamiz.

Men mamlakatlarimiz xalqlari manfaati yo'li-da o'zaro munosabatlarni yanada mustahkamlashga tayyorman.

Terens SYUN, “BGI Global Development” kompaniyasi vitse-prezidenti:

— Kompaniyamiz Shenchjendagi eng yirik tashkilotlardan biri bo'lib, uzoq vaqtdan beri o'zbekistonlik sheriklar bilan hamkorlik qilib kelmoqda.

Biz O'zbekistonda tibbiy laboratoriya ochdik, ilmiy-tadqiqot institutlari va shifoxonalarga yordam bermoqdamiz. Xususan, biz sog'liqni saqlash, skrining va saratonni barvaqt aniqlash ishlarida faoliyat ko'rsatayotmiz.

Keyingi yillarda mamlakatlarimiz o'rtasidagi munosabatlar jadal taraqqiy etmoqda. O'zbekiston biznesni rivojlantirish uchun juda ishonchli va istiqbolli mamlakat hisoblanadi.

Ven GECHJI, Guanchjoudagi o'quv-tibbiy laboratoriyalarini barpo etish bo'yicha “HCLC” kompaniyasi bosh direktori:

— O'zbekiston — Xitoy biznes forumida yangi

O'zbekistonni kashf etganimni ta'kidlashni istar edim.

Yaratilgan sarmoyaviy imkoniyatlar, mamlakatimizning iqtisodiy salohiyati bilan batafsil tanishishga muvaffaq bo'ldim.

Tadbirda tibbiyot sohasida turli tadqiqotlar olib boradigan kompaniyamiz mamlakatimiz bilan ushbu sohada hamkorlik qilishi uchun katta imkoniyatlar mavjud ekaniga amin bo'ldim. Biz o'zbekistonlik sheriklar bilan hamkorlik qilishga tayyormiz va bundan faqat mamnun bo'lamiz.

Yunxao LI, Guanchjou kommunikatsiyalar kompaniyasining vakili:

— O'zbekiston — Xitoy biznes-forumida ishtirok etganimdan juda xursandman. O'zbekistonning geografik nuqtayi nazardan o'ziga xosligi, ilmiy salohiyati, mamlakatdagi ta'lim tizimi kabi masalalar bo'yicha batafsil ma'lumot oldik.

Biz O'zbekiston va Xitoy o'rtasidagi savdo-iqtisodiy va sarmoyaviy hamkorlikni rivojlantirish hamda uning ko'lamlarini kengaytirishdan manfaatdormiz.

“Dunyo” AA. Guanchjou



“ALPOMISH”DA ALPLAR PREZIDENT SOVRINI UCHUN BELLASHDI

Poytaxtimizdagi “Alpomish” sport saroyida O'zbekiston Respublikasi Prezidenti sovrini uchun kurash bo'yicha o'tkazilgan jahon professional seriyasi xalqaro turnirining final bellashuvlari hayajonli kurashlarga boyligi bilan ajralib turdi.

Nufuzli musobaqaning tantanali ochilish marosimida yoshlar siyosati va sport vaziri, Xalqaro kurash assotsiatsiyasi faxriy birinchi vitse-prezidenti Adham Ikromov, Xalqaro kurash assotsiatsiyasi prezidenti Haydar Farmon, O'zbekiston kurash federatsiyasi raisi, O'zbekiston Respublikasi Bosh prokurori Nig'matilla Yo'ldoshev, qit'aviy kurash konfederatsiyalari, 20 dan ziyod davlatlardan kelgan milliy kurash federatsiyalari vakillari “World Series Pro” turnirlari Afrika, Osiyo, Yevropa, Amerika qit'alarida zo'r muvaffaqiyat bilan tashkil etilgani milliy sportimiz kurashning xalqaro rivojiga beqiyos hissa qo'shganini e'tirof etdi.



O'zbekiston Respublikasi madhiyasi yangrab, shiddatli bellashuvlarga izzat berildi. Dunyoning turli davlatlaridan kelgan kurashchilar o'rtasidagi murosasiz bellashuvlarni yuzlab sport ixlosmandlari diqqat bilan kuzatib borishdi. Ayniqsa, yurtimiz polvonlarining chiqishlari muxlislarda bir olam zavq uyg'otdi. O'tkazilgan bahslar natijasida erkaklar o'rtasida 66 kilogramm vaznda terma jamoamiz a'zosi Artyom Shtrubabin eronlik Majid Vohidni mag'lub etib, O'zbekiston Respublikasi Prezidenti sovriniga

egga chiqqan bo'lsa, 2, 3-o'rinlar Gretsiya va Gruziya vakillariga nasib etdi. 81 kilogramm og'irlikda hamyurtimiz, jahon chempioni, Osiyo o'yinlari g'olibi Umid Esonov barcha raqiblaridan ustun ekanligini namoyish qildi. Sovrinli o'rinlar Misr, Dominikan Respublikasi vakillariga tegishli bo'ldi. 90 kilogramm og'irlikda O'zbekiston Respublikasi Prezidenti sovrinlariga Gruziya, Latviya, Qirg'iziston, Meksika kurash federatsiyasi sportchilari egalik qildi.

Erkaklar o'rtasida mutlaq vaznda kechgan bellashuvlarda g'oliblikka da'vogarlar orasida Gretsiya, Gruziya, Meksika davlatlarining vakillari bor edi. Ammo ilk saralash bellashuvlarida terma jamoamiz a'zosi, ikki karra jahon chempioni Muhsin Hisomiddinov avvaliga Gruziya vakilini mag'lub etgan bo'lsa, undan keyin Gretsiya polvonini dog'da qoldirdi. Shu tariqa finalda hamyurtimiz qirg'izistonlik Bekbolot Toktogonov bilan ro'baro' keldi. Muxlislarning qo'llab-quvvatlashi, Muhsinning chapdastligi O'zbekiston Respublikasi Prezidenti sovrini yurtimizda qolishini ta'minladi. Shu tariqa xalqaro musobaqada g'oliblikka erishgan sportchi 10 ming, 2-o'rin sohibi 5 ming hamda 3-o'rinini qo'lga kiritgan kurashchilar 1 000 AQSH dollari bilan taqdirlandi.



G'olib hamda sovrindorlarni taqdirlash marosimida Yoshlar siyosati va sport vazirligi, Xalqaro kurash assotsiatsiyasi, Milliy olimpiya qo'mitasi, O'zbekiston kurash federatsiyasi mutasaddirlari ishtirok etdi.

To'liqin RO'ZIYEV, O'ZA muxbiri. Murodxon XO'JAYEV (O'ZA) olgan suratlar.

Xalq so'zi Narodnoe slovo

MUASSISLAR:
O'zbekiston Respublikasi Oliy Majlisi Qonunchilik palatasi Kengashi
O'zbekiston Respublikasi Oliy Majlisi Senati Kengashi

Bosh muharrir O'tkir RAHMAT

2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi — 229. Buyurtma G 1141.32 572 nuxxada bosildi. Hajmi — 2 taboq. Ofset usulida bosilgan. Qog'oz bichimi A-2. Bahosi kelishilgan narxda.

Gazetamiz haqidagi ma'lumotlarni yuklab olish uchun QR-kodni telefoningiz orqali skaner qiling.



TELEFONLAR:
Devonxona 71-259-74-51; kotibiyat 71-259-74-53;
e'lonlar 71-259-74-55.



Tahririyatga kelgan qo'lyozmalar taqriz qilinmaydi va mullifga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Gazeta tahririyat kompyuter markazida terildi hamda operator A. Ismailov tomonidan sahifalandi.
Gazetaning poligrafik jihatdan sifati chop etilishiga “Sharq” nashriyot-matbaa aksiyadorlik kompaniyasi mas'ul.
Bosmaxona telefoni: 71-233-11-07.

“Sharq” nashriyot-matbaa aksiyadorlik kompaniyasi bosmaxonasi. Korxona manzili: Buyuk Turon ko'chasi, 41. O'ZA yakuni — 23.38 Topshirildi — 00.40

1 2 3 4 5 6

MANZILIMIZ:
100066,
Toshkent shahri,
Islom Karimov ko'chasi, 55-uy.
Navbatchi muharrir A. Soyibnazarov.
Musahhih S. Islomov.